

欽定大清會典事例

欽定大清會典事例卷九百八十二

理藩院

邊務驛站

驛站○內蒙古驛凡五道喜峯口一道除喜峯  
口寬城內地所設二站外設蒙古站十六曰和  
齊臺品郭勒曰喀斯瑚曰托和圖曰伯爾克曰  
黃華圖曰錫喇諾爾曰庫呼車曰三音哈格曰  
錫喇郭勒曰奎素布托曰博羅阿布齊曰諾木  
齊曰哈沙圖曰哈拉塔克洛素特曰珠特曰哈  
達罕達喀喇沁右翼旗中旗左翼旗土默特右

翼旗。左翼旗。喀爾喀左翼旗。敖漢旗。奈曼旗。札  
魯特左翼旗。右翼旗。科爾沁左翼後旗。左翼中  
旗。左翼前旗。右翼中旗。郭爾羅斯後旗。前旗。科  
爾沁右翼前旗。右翼後旗。札奇特旗。杜爾伯特  
旗。凡二十旗。古北口一道。除古北口至坡賴鄉  
內地所設六站外。設蒙古站十。曰默爾溝。曰錫  
爾哈。曰阿木溝。曰卓索。曰徹圖巴。曰賴三呼都  
克。曰錫喇木倫。曰噶察克。曰海拉察克。曰阿魯  
噶穆爾。達翁牛特右翼旗。左翼旗。札魯特左翼  
旗。右翼旗。巴林右翼旗。左翼旗。阿魯科爾沁旗。

烏珠穆沁右翼旗。左翼旗凡九旗。獨石口一道。  
除獨石口內地所設一站外。設蒙古站。其第一  
站奎屯布拉克在察哈爾境內。入內蒙古境者  
五站。曰額楞。曰額墨根。曰卓索圖。曰錫林郭勒。  
曰瑚魯圖。達克什克騰旗。阿巴噶右翼旗。左翼旗。  
旗阿巴哈納爾右翼旗。左翼旗。浩齊特右翼旗。  
左翼旗。凡七旗。張家口一道。除張家口內地所  
設一站外。設蒙古站。是為阿爾泰軍臺。其第一  
站察漢托羅蓋以及第九站沁岱。皆在察哈爾  
境內。至第十九站奇拉伊木呼爾以下。已接喀

爾喀境內在內蒙古境者九站。曰烏蘭哈達。曰奔巴圖。曰錫喇哈達。曰布嚕圖。曰烏蘭呼都克。曰察漢呼都克。曰錫喇木倫。曰鄂蘭呼都克。曰吉斯洪夥爾。達四子部落旗。蘇尼特右翼旗。左翼旗。喀爾喀右翼旗。茂明安旗。凡五旗。殺虎口一道。除殺虎口內地所設一站外。設蒙古站十。一。北路四站。曰八十家站。曰二十家站。曰薩喇齊。曰歸化城。皆在土默特境。其烏喇特三旗。即由歸化城達之。西路七站。曰杜爾格。曰東素海。曰吉格素特。曰巴彥布拉克。曰阿嚕烏爾圖。曰

巴爾素海曰察漢札達蓋達鄂爾多斯左翼前旗。左翼後旗。左翼中旗。右翼後旗。右翼前旗。右翼前末旗。右翼中旗。凡七旗。外蒙古北路驛站。皆由阿爾泰軍臺達之。自出內札薩克四子部落境起。由第十九站奇拉伊木呼爾至賽爾烏蘇凡六站。由賽爾烏蘇至哈拉尼敦凡二十一站。由哈拉尼敦至烏里雅蘇台凡二十站。由烏里雅蘇台至科布多凡十四站。是為阿爾泰軍臺。由賽爾烏蘇至庫倫凡十四站。由庫倫至恰克圖凡十二站。以備巡查卡倫並達俄羅斯互

市由烏里雅蘇台至近吉里克卡倫凡九站。由  
科布多至索果克卡倫凡八站。以備巡察卡倫。  
皆以喀爾喀官兵供役。由科布多至古城所屬  
之察吉卡倫凡八站。達於西路。以札哈沁官兵  
供役。喀爾喀杜爾伯特舊土爾扈特和碩特及  
烏梁海札哈沁等處游牧。均由此分達。阿拉善  
額魯特額濟納土爾扈特亦出張家口邊外。達  
其游牧西路。青海各部由西甯出口。珠勒都斯  
舊土爾扈特和碩特由喀喇沙爾濟爾哈朗精  
河舊土爾扈特由庫爾哈喇烏蘇霍博克薩里

舊土爾扈特由塔爾巴哈台以達其游牧。其派  
往管理驛站之本院司員筆帖式。張家口司員  
一人。筆帖式一人。隨關防筆帖式一人。殺虎口  
司員一人。筆帖式一人。喜峯口司員一人。筆帖  
式一人。古北口司員一人。筆帖式一人。獨石口  
司員一人。筆帖式一人。賽爾烏蘇司員一人。筆  
帖式一人。皆三年更代。順治十三年題准。遣  
祭蒙古使臣。如程途本近。或時值夏秋。皆令自  
備韋馬。如程途遙遠。及時值冬春。許乘驛馬。一  
品官給馬十五匹。二品十二匹。三品七匹。四品



六匹。筆帖式四匹。領催二匹。兵丁一匹。○又題

准達賴喇嘛來使暨子爵給驛馬十三匹。車七

輛。男爵給驛馬十四匹。車四輛。郎中員外郎給馬

五匹。車二輛。筆帖式給馬三匹。車一輛。護軍領

催各給馬三匹。每二人給車一輛。○又題准本

院官員領催等。於十月至三月。差往蒙古地方。

自備馬匹者。給口糧草料。往張家口遞送喀爾

喀額魯特及喜峯口。獨石口。古北口等處差遣。

給口糧馬草。四月至九月止。給口糧。不給馬草。

○康熙三年題准。遣往會盟大臣。隨行郎中員

外郎共六人。主事一人。筆帖式二人。領催六人。  
帶帳房米糧在野外安營駐宿。尚書侍郎等各  
帶本職執事。尚書給馬二十匹。駝七。侍郎給馬  
十八匹。駝六。郎中給馬八匹。駝二。員外郎主事  
各給馬七匹。駝一。八品九品筆帖式給馬六匹。  
未入流筆帖式五匹。領催三匹。兵丁一匹。○又  
題准。凡差遣筆帖式。不准給信牌。如衙門官員  
乏人。止遣筆帖式者。題請給予。○九年題准。凡

奉

旨特遣及本院差往送

詔或往各旗徧傳緊要事務。巡察邊卡等事。自內地  
馳驛外。仍給信牌。許乘邊外驛馬。如所經之旗。  
地方遙遠。亦給信牌。乘邊外驛馬。餘惟遣往札  
賚特杜爾伯特郭爾羅斯錫伯索倫達呼爾甯  
古塔瓜爾察等處者。給本院印丈。照內地所乘  
驛馬之數。乘邊外驛馬。其遣往科爾沁烏珠穆  
沁浩齊特烏喇特鄂爾多斯等處者。冬春給院  
丈。乘邊外驛馬。夏秋自備馬匹。遣往喀喇沁土  
默特敖漢翁牛特奈曼巴林札魯特克什克騰  
蘇尼特阿嚕科爾沁喀爾喀左右翼阿巴噶阿

巴哈那爾四子部落茂明安歸化城  
盛京錫勒圖庫倫等處者概令自備馬匹。十七  
年題准凡往會盟處自備馬匹者仍各給信牌  
印文以備急事驅馳。二十八年題准殺虎口  
距歸化城二百餘里驛站勞苦原設呼齊特口  
之四十戶驛站與鑲藍旗甚近殊屬無用嗣後  
改移於歸化城中閒酌量安設。三十年覆准  
蒙古驛站差務繁多除奉

欽差緊要事件外。凡封王致祭審理事務點驗馬羣  
一應尋常事件均彙集一年兩次於四九月閒

差往均令由山海關出奉天法庫邊門不許概乘過冬馬宰殺孳生羊如有浮斂勒索令該札薩克舉報到院官員筆帖式革職領催拏送刑部如筆帖式領催等私行騷擾官員察舉者免議失察一併議處若冒稱公差勒索馬匹財帛者交刑部從重治罪○又覆准蒙古部落照本院所發印丈供應差馬餓羊不許規避如不供應差馬者罰牲畜三九不供應餓羊者罰牛一頭其歸順之喀爾喀有雜處四十九旗地方者相其居處與何處相近亦照該旗定例應付違

者照前例罰之。如奉差人員勒索擾害。亦令報院。三十一年議准各札薩克一應公務。皆准馳驛私事。毋得擅用。○又議准喜峯口等五路差使。較黑龍江尤繁。應給各驛買補供應羊價銀五十兩。○又

諭蒙古各旗。按地方形勢。如用部帑設立驛站。中間相去百里。察貧人給予役食應差。俟年例朝覲王等來時。議奏欽此。遵

旨議准。各蒙古地方。皆應安設驛站。以便公務。除土默特奈曼喀爾喀左翼科爾沁二郡王等六旗。由

山海關邊外行走。郭爾羅斯杜爾伯特等三旗。  
在黑龍江大路。此九旗毋庸安設驛站外。自喜  
峯口至札赉特十九旗為一路。計程千六百餘  
里。現有管城二驛。除此二百里。應安設十四驛。  
自古北口至烏珠穆沁七旗為一路。計程九百  
餘里。有韋子鄉江鄉十八里臺諸驛。除此三百  
里應安設六驛。自獨石口至浩齊特七旗為一  
路。計程六百餘里。應安設六驛。自張家口至四  
子部落五旗為一路。計程五百餘里。應安設五  
驛。又自張家口至歸化城六旗。計程六百餘里。

應安設六驛。仍為張家口一路。自殺虎口至烏喇特三旗為一路。計程九百餘里。現有二驛。除此二百里。應安設七驛。又自歸化城至鄂爾多斯七旗。計程八百餘里。應安設八驛。仍為殺虎口一路。各路驛站均於水泉形勢之處安設。○又議准喜峯口。古北口。獨石口。張家口。殺虎口等五路。每路設管驛蒙古員外郎一人。令各掌關防。與在京員外郎一例較俸升轉。每路設筆帖式二人。八年期滿更代。照常給予俸祿。每驛設領催一人。凡管驛各官。若有侵欺怠玩以及

驛馬損傷者題參治罪。又議准喜峯口一路除舊有二驛外置驛丁六百名。古北口一路除舊有三驛外置驛丁三百名。獨石口一路置驛丁四百五十名。張家口兩路併為一路共置驛丁五百五十名。殺虎口兩路併為一路共置驛丁七百五十名。均於各路窮戶內擇其強健者選補每丁各給乳牛五頭羊三十隻以資養贍。○又議准喜峯口等五路每驛置驛馬五十匹每馬各給價銀五兩每驛給馬價銀二百五十九蒙古地方水草滋盛不必再給草料每年惟

給予倒斃馬價銀一百二十五兩。視原額以一半為度。仍將買補數目造冊報院。○三十二年  
覆准蒙古驛站向未設車。恐誤公事。應於喜峯  
口一路設五車。古北等口四路各設二車。其駕  
車馬於額設驛馬內選用。車價照兵部買車例  
給發。○又覆准喜峯口等五路驛站設立驛車。  
惟進貢及要差方許應付。其餘毋得濫給。○又  
覆准喜峯口獨石口張家口殺虎口驛站前因  
未設專管之人。暫令關口守備把總等管理。今  
每路各設專官。凡蒙古往來事件。應專委辦理。

以歸畫一。惟古北口一路更屬緊要。已特設管  
站同知一人。嗣後站務著該管員外郎與同知  
會同辦理。三十五年定。驛丁為盜除。照例治  
罪外。管驛官罰牲畜一九。驍騎校罰一五。領催  
鞭八十。三十六年覆准。驛站苦累蒙古。嗣後  
特旨奉差。仍准馳驛外。各項事務停其馳驛。將內八  
旗各佐領下餽養馬匹。仍照兵部所定驛馬之  
數給予。並量地遠近給予月糧。令依蒙古定價  
買羊食用。所差蒙古地方多無房舍。止宿帳房。  
恐其游牧遷移。奉差人不知所在。每宿處令蒙

古人等。即將站道相連之處。明白指示。其所乘  
馬匹差還之日。按數交還。如有倒斃遺失。著落  
賠償。○三十八年覆准蒙古各驛所定公用羊  
百隻。給價銀五十兩。應裁減四十隻。以六十隻  
為額。每羊增價銀二錢。以七錢為度。每驛各給  
羊價銀四十二兩。該管官將各驛用過羊數。造  
冊報院。餘銀仍歸次年之用。○又覆准蒙古驛  
遞差事漸少。定例倒斃馬二十五匹。給價一百  
二十五兩。嗣後裁減六匹。以十九匹為度。原定  
馬價五兩。加給一兩五錢。以六兩五錢計算。各

驛每年定例倒斃馬十九匹。各給銀一百二十  
三兩五錢。照例買補。造冊報院。四十一年覆  
准。蒙古等每有公務。皆於佐領下分撥供給。原  
非奏定之例。屬下人甚為苦累。理合禁止。嗣後  
各札薩克等。將各旗所有罪罰牲畜。存儲於該  
札薩克等。毋令倒斃。豫備公務支用。五十八  
年。裁張家口滿洲筆帖式二人。設蒙古筆帖式  
一人。專司臺站文移案件。五十九年題准喀  
爾喀地方驛站數年軍務往來。甚多擾累。嗣後  
差遣大臣官員。及坐臺官員。並部院官員筆帖

式領催等行文該將軍均用營中軍需照品級  
給予行糧其索取喀爾喀食用之例永著停止  
○六十年題准自屯兵以來驛站勞苦恐蒙古  
力不能勝貽誤事機嗣後駐紮大臣一人總統  
驛站○又題准蒙古驛站自屯兵以來傳報公  
務押送軍餉火藥錢糧器械農具等項及押解  
發遣人犯護送投順人等接連馳驛甚屬勞頓  
此次駐紮大臣總統驛站令其督率管驛各官  
按驛巡察如有缺少馬匹損傷牲畜將管站官  
所領倒斃馬價銀交與札薩克速為買補再支

庫銀萬兩付駐紮之大臣齎往。如額數仍缺。即動此項銀員補足額。務令驛站整齊。毋致疲敝。  
○又題准從前種地農具。送至屯兵地方。均交山西巡撫由歸化城雇覓駝車傳送。嗣後凡解送各項自京馳驛運至口外。仍交山西巡撫。動用大同府庫銀雇覓車馬。運至屯兵之處。  
○雍正元年

諭理藩院人員來往蒙古地方。有不肖之徒。肆行無禮。勒索陵虐者。夫蒙古之與中國。不但伊札薩克王。即台吉亦係賓客。豈可令卑末領催肆行陵虐。爾衙門

嚴行申禁。○四年議准驛站員外郎所管皆蒙古人。  
從前皆由各部院司員內選除。嗣後由本院選  
賢能司官補授。○五年議准殺虎口獨石口兩  
路筆帖式亦照張家口之例各專設蒙古筆帖  
式一人。○六年議准自張家口至歸化城。前因  
噶爾丹之役。設立蒐吉昭化塔拉布拉克穆海  
圖和林格爾等五站。今俱裁汰。一切文移交軍  
臺遞送。○又議准裁汰蒐吉昭化塔拉布拉克  
穆海圖和林格爾等五處驛站。其驛丁五十名。  
仍令各該札薩克收回。○又議准軍臺驛站馬

匹倒斃。原定四分。應裁減二分。作為二分倒斃。  
原定駝一匹。給價銀三十兩。亦應減半。定價銀  
十五兩。○又議准自頭站察罕托羅海至十站  
昭哈諾爾圖。所有從前支給五十匹馬之空草  
錢糧。應移咨直隸總督裁扣。○又議准裁汰蒐  
吉昭化塔拉布拉克穆海圖和林格爾等五處  
驛站。所有馬匹。應歸入軍臺驛站。於倒斃馬價  
內扣抵。廩給羊隻。應一併歸於軍臺。○又議准  
喜峯口內站驛馬六十四匹。殺虎口內站驛馬四  
十匹。獨石口內站驛馬四十九匹。古北口內站

驛馬二十五匹。獨張家口邊內內站驛馬數至  
百匹。應裁減四十匹。並將馬夫裁去。此項裁減  
馬匹歸於倒斃馬價內扣抵。○七年議准殺虎  
口獨石口古北口喜峯口等邊驛站馬匹四分  
倒斃之例。照軍臺馬匹一例減去二分。若遇  
雪霰過多之年。倒斃較甚者。管驛官據實報院。  
再為辦理。○是年裁古北口驛站筆帖式一人。

○八年

諭前往冊封蒙古王福晉郡主之官員。每路六人。未免  
太多。或讀講學士。或侍讀侍講點出三人。司員三人。

筆帖式三人。著分為三路前往。皆賞給盤費銀路用馬匹。如何辦給之處。大學士等會同理藩院議奏。欽此遵。

旨議准往封蒙古王福晉郡主之地方。將內札薩克及卡外喀爾喀和托輝特額魯特等部落。分為三路。仍照舊例酌量給予驛馬。每路各委部院司官二人。筆帖式一人。每人日給盤費銀各一錢三分。永為例。九年覆准現值軍興。阿爾泰路軍臺驛遞甚繁。每年二分倒斃。實屬不敷。應復四分之例。駝價亦照舊例。每駝給價銀三十兩。

俟事簡價平之時。再行覈減。十年議准歸化城及殺虎口等四處地方為來往通衢。現值軍興。應將八十家二十家薩喇齊歸化城四站。並殺虎口獨石口古北口喜峯口等四路驛站。仍照從前四分倒斃之例。支給錢糧。○十二年議定。張家口等五邊管驛站官員缺。於雍正四年改從本院司官內簡選遣往。若將賢能之人選委。則本院辦事緊要差務人不敷用。若將尋常之人委往。又與驛站無益。嗣後將五路管驛站司官。均定為三年一換。再張家口古北口殺虎

口獨石口四驛各委筆帖式一人至喜峯口筆  
帖式二人亦裁去一人以歸畫一此項委往之  
筆帖式亦定為三年更代儻司官筆帖式同居  
應換之期俟新任司官任事一年後再將筆帖  
式更代○十三年定嗣後

特旨差遣者照例馳驛循例奉差遣出大臣侍衛官  
員在千里之內者照常乘官馬千里之外者乘  
驛馬按喀爾喀各部落及科爾沁六旗郭爾羅  
斯二旗札赉特杜爾伯特奈曼教漢土默特貝  
勒等五旗巴林二旗烏珠穆沁二旗札魯特二

旗阿嚕科爾沁一旗浩齊特一旗阿巴噶二旗  
阿巴哈納爾二旗蘇尼特二旗喀爾喀右翼一  
旗茂明安一旗烏喇特三旗鄂爾多斯七旗歸  
化城二旗均離京千里之外喀喇沁三旗土默  
特貝子一旗翁牛特二旗四子部落克什克騰  
喀爾喀左翼各一旗均離京千里之內○乾隆  
元年議准軍臺驛站倒斃馬駢於六月起減去  
一分作為三分給價其殺虎口獨石口古北口  
喜峯口等四路蒙古驛站亦裁減一分○十四

年

諭木蘭圍場邊口設有蒙古驛站穿行圍場之地不無驚擾此等驛站原為遞送院文至各札薩克而設無甚緊要事件若移設圍場之外不過繞道一二日應於圍場外何處設立察明議奏欽此遵

旨議准五十家驛站移於圍場界外梅兒嶺東溝安設此內有伊等原種地畝即指定地方照數撥給母許容留民人令伊等自行耕種○十九年議准近來駝價已平阿爾泰路軍臺原領倒斃駝價三十兩減去十兩○二十一年奏准阿爾泰路軍臺驛站所設駝送公務之駝內兼有牝牡

又可每年孳生。如與馬匹一例給予三分倒斂。  
價銀似屬過多。酌量減去定為二分。○又

諭聞得口外馳驛人員至驛所例給羊一。否則折給羊  
價銀七錢。口外驛站皆係蒙古曠野之地。非內地可  
比。凡馳驛人員理宜給羊。不得折給羊價。著交與該  
總管嗣後口外馳驛人員驛所例給羊者。仍給以羊。  
將折羊價永行禁止。著為例。○嘉慶六年奏定。科布  
多迪南接連古城八站三卡倫。每站各添蒙古  
兵五名。馬十匹。駝十隻。將原派之喀爾喀兵丁  
全行撤回。所有兵缺均以札哈沁人頂補。照例

給予鹽菜口糧。各站兵丁十名內揀委章京一人。仍聽札哈沁總管約束。○八年奏准。每年來京之土爾扈特杜爾伯特和碩特札哈沁青海王公台吉等回游牧時具奏俱令馳驛前往。十六年奏准阿爾泰軍站承應備辦烏拉之官員人役牲畜等由喀爾喀四部落公同備辦三年。由哲布尊丹巴呼圖克圖之徒衆備辦三年輪流辦理。○二十二年定官員奉差馳驛出口應用烏拉者報院辦給烏拉票其馬匹照兵部勘合內數目填寫發給。○又定奉差出口馳驛

從役人等乘用馬匹數目。照兵部例給予。○又定熱河都統協領等帖式。查看喜峯口一帶驛站。照出差例給予馬匹。不支廩羊。○又定蒙古王公喇嘛等奉差內地馳驛。不得擅用重包。違者照兵部例查議。○二十三年定駐紮口外將軍大臣除摺奏公務照例乘用驛站夫馬。如有私用者。照兵部例議處。○又定差遣人員枉道騷擾驛站者。職官降二級調用。無職人等鞭一百。首先濫應驛站官員。降一級調用。○又定駐紮口外將軍大臣差員齎遞奏章。不得擅行越

站行走。達者照兵部例治罪。二十四年定。伊  
犁所屬之土爾扈特等由馳驛至熱河者。出哨  
回游牧處所時。仍許馳驛前往。二十五年定。  
領行內外札薩克及科布多伊犁烏魯木齊喀  
什噶爾葉爾羌阿克蘇等處。

詔旨。均由驛遞送。○道光七年奏准。塔爾巴哈台之  
什德哩牧廠添設備。差馬一百匹。按照從前倒  
斃六釐數目。改為三分報銷。○又奏准。克復回  
疆四城後。烏魯木齊逆西至伊犁一路軍臺。差  
務較簡。撤洛克倫臺至托霍木圖十六臺。增設

馬八十匹。兵四十八名。八年奏准阿克蘇境內移設軍臺二處。葉爾羌境內移設軍臺四處。裁撤軍臺二處。又烏什所轄察哈拉克軍臺。將臺西五里哈拉克齊地方之隙地。移建。九年奏准。阿克蘇所屬札木臺添牛五隻。阿爾巴特臺添牛十隻。亮噶爾臺添牛十隻。圖巴喇特臺添馬十二匹。瑚斯圖托海臺添馬十匹。塔木哈塔什臺添馬八匹。噶克察哈爾海臺添牛十隻。○又奏准。黑色熱巴特地方添設軍臺。於葉爾羌東路節省兩臺內撥馬十五匹。回子十戶。牛

二隻車三輛接遞文報。運送餉布。○十年奏准。  
阿克蘇所屬噶克察哈爾海及伊犁所屬沙圖  
阿滿二臺中間恩東格爾布瑚圖地方添設一  
臺。管理臺站筆帖式即令管理伊犁巴圖蒙克  
至沙圖阿滿七臺筆帖式四員兼管。所需馬十  
五匹。牛十四隻。仍由官廠支用。○又奏定內外  
札薩克遇有應投蒙古公文。毋庸遣人來京。均  
就近在該將軍都統大臣衙門投遞。接收後由  
驛徑達兵部移院辦理。○十一年奏准。草路戈  
壁站大和闐境內安設軍臺十二處。阿克蘇境

內亦安設軍臺。每臺設馬二十匹。伊斯瑪依爾  
加添馬二十匹。和闐西路軍臺七處。每臺酌添  
馬十五匹。○又奏准阿克蘇齊蘭臺與葉爾羌  
雅哈庫圖克臺接壤。程站較長。於適中之沙井  
子地方分設腰臺一處。即令齊蘭臺筆帖式兼  
管。色瓦特地方分設腰臺一處。即令雅哈庫圖  
克臺筆帖式兼管。各派外委一名。字識一名。兵  
丁五名。官馬十五匹。官牛十隻。回子二十戶。回  
子馬二十四匹。○又議准內外札薩克公文除緊  
要奉交驛馳遞。尋常者交鋪司遞送外。其有事

涉尋常。卻難稽延時日者。即遇摺報之便順附  
帶京。庫倫烏里雅蘇台未設鋪司。亦照此辦理。  
○十九年定。察哈爾軍站二十四臺。管站部員。  
間年巡查一次。該都統等於隔年查旗之便。隨  
在抽查。部員查臺年分。不得與都統等查旗併  
為一年。○又定。驛站馬匹。不得缺額瘦瘦。違者  
查參。奉差人員。藉端需索。及縱容家人騷擾者。  
驛站官吏。分析揭報參處。○二十一年定。管旗  
王公台吉等因公住宿。准食麋羊。不准支食牛  
隻。不管旗者。非奉差並不得擅食麋羊。○又定。

凡札薩克因公遣人出差領有烏拉票者。所過旗分驗票供應。如有票而不供駝馬者。罰二九牲畜不供應廩羊者。罰五牲畜。若令牧羣徙避者。罰三九牲畜。○二十三年定喀爾喀四部落王公台吉官員兵丁因公行走。除騎用本身烏拉外。准於本旗支用。如不敷。即於經過各旗酌量支用。其私事止准於本旗屬下攢湊支用。其屬下人等。如給有達爾汗白紙票者。亦准於本部落旗下支用。至哲布尊丹巴呼圖克圖之徒衆給有達爾汗票者。止准於庫倫界內支用。○

二十四年定。凡派往蒙古地方出差巡察致祭之大臣官員領催神木甯夏等處查旗之部員黑龍江呈進貂皮庫倫呈進野豬等項及解送犯人來京之官兵均應領烏拉票請領時先由院行文兵部給予勘合兵牌火票本院按照牌票填寫馬匹數目給予。○又定張家口臺站地居衝要如遇差務繁多駝馬竭蹶准管站司員呈明該都統向商民擎驛幫差差竣領回或有損傷倒斃按照例價官為給還。○二十五年定蒙古驛站官兵遺失公文兵牌者兵丁鞍革官

員罰錢糧一年。○又定內札薩克會盟應用烏拉駝馬羊隻不准浮冒折價。○同治三年

諭。陝甘驛路梗塞。摺報往還。暫由蒙古臺站行走。並將古城迤北之北套橋等處戈壁臺站添撥兵役常川駐守。接遞文報西南各城亦可仿照辦理。即著烏里雅蘇台將軍咨行伊犁將軍塔爾巴哈台葉爾羌參贊大臣及所屬各城嗣後奏報均暫由烏里雅蘇台科布多臺站遞送至張家口轉遞進京以期迅速。○

五年

諭。目前甘涼一帶道路梗塞文報應改由草地行走。著

該蒙古王等。於阿拉善界內直抵舊土爾扈特界。中  
間添設蒙古軍臺。按站轉遞軍報。○光緒九年議准。  
各盟幫臺牲畜。藉災推諉者。罰俸六月。

欽定大清會典事例卷九百八十三

理藩院

邊務蒙古民人貿易

蒙古民人貿易。○乾隆二十五年奏准商民與  
管地方官札薩克等處給予照票。將伊等所行  
路途填註明白。以便往來。○嘉慶二年

諭。上年商民公義往烏梁海地方貿易。西北兩路內地  
民人與外藩交易。俱係彼處人等前來該將軍大臣  
所轄地方。方准貿易。烏梁海地方。係在卡倫之外。商

民等私自前往貿易。俱由該將軍大臣等平日不能留心所致。不可不亟為禁止。將此通諭西北兩路各城駐紮辦事將軍大臣等。嗣後内地商民各宜留心體察。如有應與外藩貿易物件。俟該處人等到後。再令互相交易。毋得任意越界妄行。永著為令。再有似此者。必將該將軍大臣從重治罪。○九年奏准。嗣後

唐努烏梁海三佐領烏里雅蘇台北邊九臺站商民貿易之處。永行禁止。其烏梁海人等。有換取什物者。於進皮張之便。前往烏里雅蘇台貿易。○又奏准。唐努烏梁海地方貿易民人。嗣後

彼此交易。務用現銀置買貨物。不准借與烏梁海人等銀兩賒給物件。私往游牧地方討債。違者從重治罪。○十年。

諭蒙古負欠民人賬目。即飭分別還清。將欠債者重責示懲。蒙古人性質純厚。理應永守舊業。民人圖利。前往游牧開地耕種。放債與蒙古人。其習甚陋。致蒙古人大虧生計。是以朕節經諭禁。即如民人海嵩岱。藉討債為名。糾衆毆人。強取物件。甚屬不知法紀。俟審明後。分別首從。即行按例正法。嗣後止准正商在彼。其無照姦民。即刻驅逐。酌定章程。具奏欽此。遵

旨議定商民賬目已完者令其速回未完者展限完結  
嗣後若有無照私往者即行拏送將軍大臣處  
照例治罪該札薩克官員容隱不報查出一併  
叅處○十一年奏准三音諾彥部盟長拏獲偷  
往奇旺達什旗下民人係前由色楞額地方逐  
回庫倫者據稱因該處大臣等辦理債負時逃  
回庫倫又偷往被獲現今正在清理四部落無  
照姦民乃該民人以逐回庫倫之人復敢偷行  
至奇旺達什旗下實屬有意違例即枷號烏里  
雅蘇台商市兩月滿日鞭一百解回原籍永遠

不准出口。○二十二年定蘇克都爾屬下人丁  
往各處貿易探親該札薩克酌量路途遠近勒  
限給假領票前往。○又定庫倫街市商民往各  
旗貿易者不准用三箇月小票概於庫倫商民  
事務章京處請領印票由該章京量其道路遠  
近酌定期限將前往何旗貿易何貨物並年貌  
註明票內給發貿易處所止准支搭帳房不准  
苦蓋房間逾限不回照例治罪。○道光二年議  
准杜爾伯特明噶特札哈沁等旗如願商民貿  
易即取具各旗印結報院照喀爾喀四部落之

例給票。○四年

諭王舒德爾格等番族貿易將貨物交官歇家售賣更易滋弊嗣後番族到口由丹噶爾主簿報明委員會同營弁帶領歇家查明人數方許進口仍令出具甘結其出口時委員查點放行姦民夾帶除嚴辦本犯外歇家等一體治罪○又

諭糧於茶布為蒙古養命之源著准其發給商民部票與蒙古公平交易並於請票時將該商民籍貫人數及攜帶貨物註明以備稽查惟科布多所屬蒙古部落七處除土爾扈特和碩特向不與商民交易其杜

爾伯特明噶特額魯特札哈沁俱詢明願與商民交易至烏梁海一處地界與哈薩克接壤往往因緣為姦著將烏梁海地方概行禁止貿易止准烏梁海蒙古來科布多城上交易如商民必須親往索欠止准單身前往不准攜帶貨物再烏里雅蘇台古城歸化城等處指稱喀爾喀貿易私赴烏梁海之商民著飭卡倫及該游牧認真查拏並著各該管大臣一體飭禁○八年

諭向來安集延進卡貿易轉販內地大黃茶葉硝礦接濟外夷實屬可惡嗣後應照伊犁貿易亭派官經理

止准來卡交易而退。不准在各城安置家產。永絕後患。○又

諭安集延貿易茶葉出卡多係細茶雜茶皆北商販運伊犁等處為安集延偷販出卡之用著即嚴行禁止不准販入伊犁及塔爾巴哈台境內以絕安集延私販之弊其大茶斤茶安集延外夷向不興販嗣後准其販運其副茶一項向由伊犁置辦官貨時搭買三萬餘斤聽官兵領買著自明年為始再加置副茶數萬斤隨時酌定數目即配官引運至伊犁存貯備用毋使姦商居奇以致兵民食貴至大黃一項兵民歲

需無幾著一律稽查所有行茶之法應安設官商經理著烏魯木齊都統陝甘總督酌定伊犁塔爾巴哈台兩處行商無論蘭商北商均屬便於稽察其未定官商以前商民所販之茶葉大黃著於經過烏魯木齊時由該都統發給印票註明名色斤數以便查察並於緊要隘口派委官兵驗明與票相符方准放行稍有夾帶雜茶細茶即照私販究辦並著庫爾喀喇烏蘇領隊大臣派員在所屬之奎屯地方設卡嚴查逐起備文報明伊犁塔爾巴哈台兩城及販至伊犁由該大臣等派委官兵在塔爾奇第一臺站徑行稽

查已到之後責成撫民同知設立循環簿按月彙數詳報並著知照塔爾巴哈台參贊大臣等一體辦理至伊犁境內各卡倫每於哈薩克貿易事畢派協領等員稽查疊加並無私販茶葉大黃出卡甘結如有偷漏私販將出結加結之員嚴參懲辦伊犁塔爾巴哈台兩處均無殷實富戶領運官茶著烏魯木齊都統於議定官商後商民販運副茶即以配引為憑其大茶斤茶以古城官商戳記為憑伊犁塔爾巴哈台兩處行銷以該都統印票為憑凡無配引戳記印票者悉照私茶懲辦○又奏准喀什噶爾葉爾羌地臨

極遠卡外各部落商販往來均由霍罕經過嗣後於喀浪圭卡倫外明約洛地方建設貿易亭修葺堡卡派員彈壓稽查一切均照伊犁官鋪章程辦理凡貿易各物當以貨易貨商民回子中有以銀置貨者一經查出將貨入官仍從重治罪○十一年

諭回疆茶葉大黃等物准其弛禁○十二年

諭現在霍罕免罪通商並邀恩免稅其貿易諸夷事同一律嗣後葉爾羌喀什噶爾卡外各部落暨布魯特等進卡貿易著加恩一體免稅○十九年定河州循

化貴德閭門以外。每月酌定日期。准民人貿易。  
兩次其餘日期。不准私相貿易。○又定蒙古人  
等貿易。稟明札薩克王公等擬一章。京為首領。  
令十人以上合夥而行。若無首領之人。或滋生  
事端。各坐應得之罪。其管旗王公。台吉。章京參  
佐領俱照疏於約束例治罪。○又定土謝圖汗  
部落伊琝地方種地之民人與蒙古貿易者。其  
帳目由該盟長札薩克商卓特巴會同庫倫商  
民事務章京。按年詳查。俱今年清年款。○同治  
元年議准嚴禁越卡私販章程。一蒙番進口辦

買糧茶。應令官歇家登記循環號簿。報官察覈。  
查有不符。將官歇家及出賣鋪戶照私販例從  
重治罪。一。新安番族由青海衙門請票易買糧  
茶。應飭丹噶爾廳鎮海協鎮令各族千百戶於  
尾鈴截繕寫人名貨物呈送地方官覈驗放行。  
一。番子進口。應令西甯大通各處官歇店戶另  
立循環簿二本。詳細登記於文武衙門一律呈  
遞。並按月報明青海衙門存查。一。糧茶應酌中  
配搭。每糧一石。配茶六封。蒙番一律辦理。其單  
買茶葉者。大票准填十封。小票准填五封。至新

安番族止准在丹噶爾辦買以杜竄越一私販  
黃茶應飭循化貴德地方官暨隆福寺番僧一  
體嚴拏起出貨物分賞出力兵弁一蒙番出口  
由守卡兵弁搜驗放行如有需索賄縱等弊從  
嚴究辦一內地民人出口謀生應責成公正鋪  
商承保由地方官轉詳青海衙門給票放行至  
入口點認令該廳營縣出具的係原人印結將  
票繳銷每票止准一次不准復用○又奏准商  
人在恰克圖交易向於理藩院領取茶票嗣後  
仍按舊章每茶三百箱作票一張收規費銀五

十兩所領商票仍限一年繳銷

會盟

內札薩克會盟

外札薩克會盟

內札薩克會盟○原定科爾沁六旗札魯特旗  
杜爾伯特旗郭爾羅斯二旗共十旗於哲里木  
地方為一會喀喇沁三旗土默特二旗共五旗  
於卓索圖地方為一會敖漢旗翁牛特二旗奈  
曼旗巴林二旗札魯特二旗阿魯科爾沁旗克  
什克騰旗喀爾喀左翼旗共十一旗於昭烏達  
地方為一會烏珠穆沁二旗浩齊特二旗蘇尼  
特二旗阿巴噶二旗阿巴哈納爾二旗共十旗

於錫林郭勒地方為一會。四子部落旗烏喇特三旗茂明安旗喀爾喀右翼旗共六旗於烏蘭察布地方為一會。鄂爾多斯七旗於伊克昭地方為一會。○又定每會設盟長一人各於所屬三年一次會盟。清理刑名編審丁籍。○又定會集不到者王等罰馬二十匹。札薩克貝勒貝子公等十五匹。台吉等十四匹。以充公用。逾期者王以下各按日罰馬。○又定會盟禮節。

制書用寶。所遣之大臣齎往至蒙古邊界。守邊人偵探大臣職名。即赴各該王貝勒等處稟告。該王

貝勒等於五里外迎接。衆皆下馬序立於道右。  
跪候

制書過隨後乘馬行。

欽差大臣在左迎接之。王貝勒等在右迎至駐紮處。  
於正中設香案奉差大臣恭奉

制書安設案上退立於左該王貝勒等行一跪三叩  
禮畢跪奉差大臣自案奉

制書交筆帖式宣讀。讀畢奉差大臣奉

制書仍安案上。王貝勒等復行一跪三叩禮奉差大

臣自案奉

制書授王貝勒等。王貝勒等跪受。授伊屬官行三叩禮興付掌收。

制書之人王貝勒等與奉差大臣彼此各行兩跪兩叩禮畢奉差大臣居左王貝勒等居右列坐○又定會盟出征圍獵等事不候衆先回者王罰馬十匹札薩克貝勒貝子公等七匹台吉等五匹隨從人罰取所騎之馬○順治元年題准會

盟

敕書由內閣撰給○康熙八年題准會盟未至及因事傳召不到者管旗章京罰馬五匹副章京四

匹參領三匹。佐領二匹。驍騎校一匹。領催罰。驕牛一頭。什長罰摻牛一頭。至而逾期者。管旗章京罰馬四匹。副章京三匹。參領二匹。佐領一匹。驍騎校罰驕牛一頭。領催罰摻牛一頭。什長鞭二十七。如八旗游牧總管及索倫總管不會集不如期至者。照蒙古部落副章京例。游牧副管索倫副管。照蒙古部落參領例。佐領驍騎校領催什長。悉照蒙古部落佐領驍騎校領催什長例。分別罰懲。○十三年定。每年春季札薩克王貝勒貝子公台吉等各將旗下台吉兵丁會集。

一處令其修理器械聽盟長驗看操演○又題  
准內外各札薩克旗分每年十月一班十二月  
一班每旗各差一人於盟長處聽候○十七年  
題准遣往會盟大臣以領侍衛內大臣內大臣  
散秩大臣上三旗一等侍衛八旗都統副都統  
前鋒護軍統領各部滿洲尚書侍郎左都御史  
副都御史內閣學士通政使大理寺卿暨本院  
堂官職名開列請

旨簡用四人其隨往官員除本院司官筆帖式外仍  
選刑部司官一人筆帖式一人隨往○又題准

奉文會盟。王貝勒貝子公台吉無論管旗不管旗。但不至者皆罰俸六月。無俸之台吉及至而逾期之王公等。仍照舊例罰馬。○又題准。凡會盟及圍場軍營等處歸時。不候衆先回者。不論管旗不管旗。王貝勒貝子公台吉等。皆罰俸三月。無俸之台吉及隨從之人。仍照舊罰馬。○雍正六年定。內札薩克及喀爾喀之札薩克等。每會俱選一人。為副盟長。協同盟長辦事。○乾隆十六年

諭。停止特派大臣會盟。仍令各札薩克等。於各該盟內。

會集辦理將所辦事件報院查覈。○嘉慶二十二年定。

簡放盟長將副盟長及該盟內管旗之汗王貝勒貝子公等俱按其品秩並接印任事之年分開列。不管旗之王公等亦按其品秩並及歲食俸之年分開列請

旨簡放一員並將列名之王公除未出痘者例不咨取來京外其餘王公等可否全行咨取來京引

見恭候

簡放之處於摺內聲明請

旨其

蘭故副盟長與此例同○道光二年奏准哲里木盟  
開墾新田居民較多應會地方官辦理事繁添  
派幫辦盟務一員協理該盟事務○又定哲里  
木盟設幫辦盟務二員卓索圖昭烏達伊克昭  
三盟各設幫辦盟務一員協同盟長副盟長辦  
理闔盟事務○十九年定會盟未到及因事傳  
召不到者管旗章京副章京參領佐領驍騎校  
領催牛家長各罰一九牲畜到而逾期者每逾  
一日罰馬一匹罪止罰馬一九其八旗游牧總

管及索倫總管等不到。及到而逾期者罪同。  
外札薩克會盟○原定圖什業圖汗部二十旗  
盟於汗阿林地方為一會。車臣汗部二十三旗  
盟於克魯倫巴爾和屯為一會。札薩克圖汗部  
十九旗。盟於札克畢拉色欽畢都爾諾爾為一  
會。三音諾彥部二十四旗。盟於齊齊爾里克為  
一會○康熙二十九年覆准喀爾喀圖什業圖  
汗車臣汗等內屬。應照四十九旗倒永定會盟  
之典。其台吉等有遠駐外邊者。由院遣官豫行  
調取。至會盟之期會集○三十年

聖祖仁皇帝以喀爾喀新附數十萬衆必訓以法度俾知禮儀。

特命行會閱禮於上都多倫諾爾之地。前期命理藩院調集新附之喀爾喀兩翼部落並傳知科爾沁等四十九旗之王台吉皆豫屯於會閱之地百里以外。

聖駕發京師。上三旗官兵隨行。由張家口出。下五旗官兵由獨石口出。軍臨多倫諾爾布營設哨。三旗護軍共為一營。居中屯紮。八旗前鋒為三營。五旗護軍為十營。火器營兵為四營。共十八營。環

御營屯紮八旗前鋒為四汛。八旗護軍為二十四汛。各設廬帳。繞營而屯。傳

諭蒙古喀爾喀等前屯於百里外者移附

御營五十里屯紮不得入哨內

命議定喀爾喀賞格為九等。坐次為七行。進見燕會禮儀悉照四十九旗例屆期設

帳殿於網城南門前中設

御櫺旁設武備院行帳幕次各二。前張黃幕。設反坫。列

尊罍。

騎駕鹵簿於

帳殿前

聖駕出入作樂設燕筵於各班次衆畢集

聖祖仁皇帝出御營乘馬臨

帳殿

升座理藩院大臣鴻臚寺官員引導喀爾喀汗濟農諾

彥大台吉衆等聽排班奏樂鳴贊官傳贊行三

跪九叩禮畢樂止理藩院大臣官員引內外王

貝勒貝子公台吉等列於左喀爾喀汗等列於

右各於本位一叩坐進

御筵奏樂進茶衆喀爾喀皆叩首進茶畢乃進酒進酒

大臣出班跪。衆皆跪奏樂各於其位行一叩禮。  
進酒畢坐執事者酌金卮立

賜進酒大臣大臣跪受一叩飲畢復一叩興入班坐乃  
進饌次第演舞奏樂衆技畢陳有

旨召喀爾喀汗濟農諾彥大台吉等近

御榻前

親賜以酒其餘台吉等令各侍衛於坐處

賜酒畢撤筵王台吉及衆喀爾喀行一跪三叩禮謝  
恩仍按翼序立禮部大臣奏禮成

聖祖仁皇帝駕還行宮次日八旗滿洲及漢軍火器營

綠旗營官兵排列火礮

聖祖仁皇帝躬擐甲冑大閱畢宣

訓諭敕書於衆喀爾喀先是圖什業圖汗殺其札薩克圖汗德克德赫墨爾根阿海從此起釁構兵失其游牧先後來歸

聖祖仁皇帝洞鑒兩翼喀爾喀交惡之原委情事之曲直先傳

諭哲布尊丹巴呼圖克圖及圖什業圖汗等令其具疏請罪於是集衆會盟特頒

恩旨免圖什業圖汗之罪繼札薩克圖汗之後使兩翼

喀爾喀相好如初。並去其濟農諾彥名號。依次授以汗王貝勒貝子公封爵。其台吉亦分四等。視四十九旗又按品級從優。

恩賚冠服銀幣等物。其四十九旗亦按品級賜冠服銀幣有差。

頒賞訖。均於網城南門前聽鳴贊官傳贊謝恩。行三跪九叩禮。會閱禮成。

聖祖仁皇帝回鑾。○雍正三年議准向例內札薩克與外三路之喀爾喀等三年一次奏遣大臣前往會盟。辦理一切刑名。將丁數開造細冊送院由

院具題。今辦理青海蒙古事務大臣。現在西甯居住。每屆三年不必由京。

特簡大臣止令各旗覈明丁數。呈駐紮西甯大臣轉送到院照例具題。再一切刑名事件。由各旗訊明。呈報駐紮西甯大臣。如尋常事酌量遣官會同札薩克辦理。若係大事。令駐紮西甯大臣約定地方與札薩克等會盟議結。○六年定喀爾喀四會。每盟設正副盟長各一人。○乾隆十六年議准青海札薩克蒙古等停止每年會盟。著閒年一次舉行。○又奏准。喀爾喀四部落停止。

特派大臣會盟。仍令各札薩克等於各部落內  
會集。將所辦事件報院查覈。二十年議准。以  
杜爾伯特為賽音濟雅噶圖左右翼二盟。各設  
盟長。給予印信。會盟一如喀爾喀之例舉行。  
三十七年定。舊土爾扈特為烏訥恩素珠克圖  
南路。北路。東路。西路四盟。和碩特為巴圖塞特  
奇勒圖。中路一盟。新土爾扈特為青塞特奇勒  
圖一盟。各設正副盟長各一人。○嘉慶七年  
諭。向例蒙古會盟齊集。原係特派大員一同辦理。嗣  
皇考因派員恐有擾累。

特旨停止。今蘊端多爾濟以近年事多叢脞仍請遇有  
喀爾喀四部落會盟比丁之年一切應辦事宜會同  
烏里雅蘇台將軍等辦理尚屬可行著照所請三音  
諾彥札薩克圖汗二部落事務即就近在烏里雅蘇  
台會集與定邊左副將軍一同辦理圖什葉圖汗車  
臣汗二部落事務即就近在庫倫會集與辦事大臣  
一同辦理○又奏准喀爾喀四部落會盟等事件不  
准烏里雅蘇台將軍庫倫辦事大臣等分部落  
會盟仍交各盟長照舊辦理如各盟長有違例  
不公事件一經告發或別經參奏由院再行奏

請

特派大臣前往辦理。二十二年分駐科布多新土爾扈特設正副盟長二員。道光三年分青海蒙古河北二十四旗為左右翼。每翼添設正副盟長各一員。○光緒二年議准蒙古汗王貝勒貝子公等由盟長副將軍等職任復經

簡放參贊大臣及辦事大臣者即行開缺於本部落內將應放盟長副將軍之汗王等另行奏請

簡放。

欽定大清會典事例卷九百八十四

理藩院

朝覲

內札薩克年班  
外札薩克年班  
喇嘛年班

內札薩克年班○順治五年定蒙古王貝勒貝子公台吉都統等准於年節來朝○六年題准蒙古朝覲之期每年定於十二月十五日以後二十五日以前到齊○八年題准各蒙古分為兩班循環來朝○十五年題准承襲王貝勒貝子公爵未及十八歲者免其年節來朝至十八歲始令入班朝覲○康熙元年題准每年元旦

令歸化城土默特二都統輪班來朝留一人辦事副都統亦如之○五十九年題准年例朝覲蒙古二十四部落定例分為兩班將班次曉諭應來之王貝勒貝子公台吉等令其按期朝集如有事故令協理旗務之台吉一人前來若協理旗務之台吉亦有公事及患病等情即遣本旗內大台吉代覲仍將情由用印文送院察覈如並無事故託辭不朝者將該管札薩克等一併題參治罪○雍正四年

諭向來四十九旗王台吉等分為兩班來京其家中即

有要務或身抱病癆亦必前來。交春始回本地。明歲冬季又復直班為期既近。冬月往返勞苦深可軫念。嗣後有願來京請安者。當於青草時仍令前來。其循年例來京者分為三班。二年一朝俾得休息。欽此。遵旨議定。蒙古朝覲內札薩克分為三班。一年一班輪流一人前來。公主之子孫姻戚台吉等一家一人亦分為三班輪流來京。一班哲里木盟內科爾沁親王一人。郡王一人。貝勒一人。鎮國公一人輔國公一人。郭爾羅斯一等台吉一人。昭烏達盟內敖漢郡王一人。巴林郡王一人。翁牛特貝

勒一人。巴林貝子一人。教漢輔國公一人。卓索  
圖盟內土默特貝子一人。喀喇沁貝子一人。輔  
國公二人。札薩克一等塔布囊一人。錫林郭勒  
盟內蘇尼特郡王一人。阿巴噶郡王一人。浩齊  
特郡王一人。阿巴哈納爾貝勒一人。烏珠穆沁  
貝勒一人。蘇尼特貝勒一人。阿巴噶貝子一人。  
烏珠穆沁鎮國公一人。輔國公一人。烏蘭察布  
盟內烏喇特輔國公一人。伊克昭盟內鄂爾多  
斯貝勒一人。輔國公一人。歸化城土默特輔國  
公一人。二班哲里木盟內科爾沁親王一人。郡

王一人札賚特貝勒一人郭爾羅斯鎮國公一人科爾沁輔國公三人郭爾羅斯輔國公一人昭烏達盟內翁牛特郡王一人札嚕特貝勒一人喀爾喀左翼貝勒一人敖漢貝子一人巴林貝子一人翁牛特鎮國公一人札嚕特鎮國公一人巴林輔國公一人卓索圖盟內喀喇沁郡王一人鎮國公一人錫林郭勒盟內沽齊特郡王一人蘇尼特郡王一人阿巴哈納爾貝子一人烏蘭察布盟內四子部落郡王一人茂明安貝勒一人喀爾喀右翼貝子一人烏喇特鎮國

公一人茂明安札薩克一等台吉一人伊克昭  
盟內鄂爾多斯郡王一人貝子二人札薩克一  
等台吉一人三班哲里木盟內科爾沁親王二  
人郡王二人貝勒一人貝子一人杜爾伯特貝  
子一人科爾沁鎮國公一人輔國公二人昭烏  
達盟內奈曼郡王一人敖漢郡王一人阿噶科  
爾沁貝勒一人札魯特貝勒一人翁牛特貝子  
一人敖漢輔國公一人克什克騰札薩克一等  
台吉一人卓索圖盟內土默特貝勒一人喀爾  
喀貝勒一人喀喇沁貝子一人錫林郭勒盟內

烏珠穆沁親王一人。阿巴噶郡王一人。蘇尼特輔國公一人。阿巴噶輔國公一人。烏蘭察布盟內喀爾喀右翼貝勒一人。貝子一人。烏喇特鎮國公一人。喀爾喀右翼鎮國公一人。伊克昭盟內鄂爾多斯貝勒一人。貝子一人。各令按班來朝。年班遇有襲替。隨時勅給。乾隆五年奏准在

御前

乾清門行走之內札薩克王貝勒以下台吉以上分為兩班。令其每年

萬壽年節輪班來朝。○十年奏准。蒙古王公札薩克

等。皆辦理一旗事務之人。盟長又係總理一盟事務。遠離游牧來京久住。不免諸事貽誤。現在御前

乾清門行走之人。其中盟長札薩克等甚多。分為二班。每年來京久住游牧事務。恐有貽誤。嗣後除閒散王公額駙台吉等照常兩班來朝外。其盟長札薩克不必入於兩班。或遇年班。或有事來京。仍令在

御前

乾清門行走。又奏准科爾沁。敖漢。巴林。三處公

主之子孫姻親台吉等定為四班科爾沁巴林  
每年各派台吉十員。教漢旗台吉二十員。輪班  
來朝。○十四年奏准。閒散行走之額駙等分為  
三班。一年一班。輪流來朝。○二十五年奏准。教  
漢科爾沁巴林三處。公主之子孫姻親台吉等。  
按原派額數。增教漢旗台吉十員。科爾沁五員。  
巴林五員。一年一班。輪流來朝。○嘉慶六年奏  
審。科爾沁之圖什業圖親王巴林郡王二旗公  
主之子孫台吉等。生齒日繁。人數衆多。改定為  
六班。一年一班。輪流來京。○八年奏定。教漢旗

公主子孫台吉共六百十餘人定為十班每班  
六十人一年一班輪流來京。○十年奏定科爾  
沁達爾漢王旗下公主子孫台吉姻親台吉共  
四百餘人定為五班每班八十人一年一班輪  
流來京。○十一年奏定。

御前

乾清門行走之內外札薩克汗王貝勒貝子公台  
吉塔布囊如非本班因他事來京呈請當差於  
年節後再回游牧處所者由院代為具奏請  
旨其外邊行走王公台吉等事畢即令起程各回游

牧處所。○又奏准凡

乾清門行走之喀爾喀等處王公台吉等。如遇班期因患病不能來京者。將緣由呈報該盟長札薩克查驗屬實。出具印文報院。如不先行呈報。由院行查到日。始稱患病呈報者。退出。

乾清門行走。該盟長札薩克等失於覺察。各罰札薩克俸六箇月。○二十二年定。

御前行走內札薩克王公等不必輪班。每年年終。均行來京。○又定科爾沁圖什業圖王旗下公主子孫台吉共五百二十二人。定為十一班。原定

六班每班四十七人後定五班每班四十八人  
一年一班輪流來京○又定喀喇沁王旗下公  
主子孫塔布囊每年一人來京○道光十九年  
定科爾沁達爾漢王旗下公主子孫台吉姻親  
台吉共二千人定為二十班每班一百人一年  
一班輪流來京○又定巴林王旗下公主子孫  
台吉一百七十餘人定為六班每班二十九人  
一年一班輪流來京○又定王公台吉等參班  
朝覲定為三班其不直班之札薩克令該旗協  
理旗務台吉一人來京○咸豐三年

諭。內外札薩克蒙古王公等。自軍興以來。或捐輸經費。  
或呈進馬匹。均屬急公報效。本年年班。若仍令其照  
常入貢。費用浩繁。恐增苦累。所有本年內外札薩克  
蒙古王公台吉額駙年班。均著暫行停止一年。○四  
年

諭。本年輪應年班之御前乾清門行走內札薩克蒙古  
王公等。著仍來京。其在外行走之內外札薩克王公  
台吉等。俱著停班一年。○八年

諭。蒙古汗王等。或捐輸駝馬銀米。或路途遙遠。若按年  
來京。不免勞苦。以後年班除御前行走之內札薩克

王貝勒等照常來京外。其餘內外札薩克汗王貝勒  
貝子公台吉額駙等均著停止來京。以示軫念蒙古  
世僕之意。○光緒四年議准王公台吉遇年班因  
有事不克赴京。即由該札薩克豫報盟長由盟  
長備文報院儻具報遲延致誤班期者各罰俸  
三月無俸之員罰五牲畜。

外札薩克年班○原定喀爾喀額魯特及駐紮  
額濟納之土爾扈特分四班。一班札薩克圖汗。  
及部內貝勒一人輔國公一人一等台吉三人。  
圖什業圖汗部內親王一人輔國公三人一等

台吉二人。車臣汗部內貝子輔國公各一人。一等台吉二人。三音諾彥部內親王品級郡王世子輔國公一等台吉各一人。土爾扈特貝勒一人。烏蘭烏蘇額魯特貝子一人。西套額魯特鎮國公一人。推河額魯特公品級一等台吉一人。二班圖什業圖汗及部內輔國公品級一等台吉一人。三音諾彥部內親王貝勒貝子品級輔國公鎮國公輔國公各一人。一等台吉四人。車臣汗部內郡王一人。鎮國公二人。輔國公一人。一等台吉三人。札薩克圖汗部內鎮國公一人。

輔國公二人。公品級一等台吉一人。一等台吉三人。西套額魯特郡王鎮國公各一人。三班車臣汗。及部內貝勒輔國公各一人。一等台吉四人。圖什業圖汗部內親王郡王貝子各一人。貝子品級輔國公一人。輔國公二人。公品級一等台吉一人。一等台吉三人。三音諾彥部內貝勒一人。貝子品級一等台吉一人。輔國公一等台吉各二人。札薩克圖汗部內鎮國公一等台吉各一人。烏蘭烏蘇額魯特貝子一人。四班三音諾彥札薩克親王。及部內郡王貝勒鎮國公各

一人輔國公三人一等台吉二人車臣汗部內。  
親王貝勒貝子鎮國公公品級一等台吉各一  
人一等台吉三人圖什業圖汗部內郡王品級  
貝子輔國公一等台吉各一人札薩克圖汗部  
內鎮國公一人輔國公四人一等台吉一人青  
海分四班一班額魯特郡王貝子各二人鎮國  
公一等台吉土爾扈特一等台吉各一人二班  
額魯特貝勒輔國公各一人一等台吉三人輝  
特輔國公土爾扈特一等台吉各一人三班額  
魯特親王一人輔國公二人一等台吉三人土

爾扈特一等台吉一人。四班額魯特郡王貝子各一人。一等台吉四人。土爾扈特一等台吉喀爾喀一等台吉各一人。○康熙三十九年議准年例來朝之喀爾喀札薩克等。若令與內札薩克等一例分為兩班。朝覲則路途遙遠。殊非體恤之意。嗣後將喀爾喀札薩克分為四班。將班次曉諭均令按年於十二月封印前到京。其未及歲之札薩克不必來朝。各令台吉一人代覲。○五十九年題准。年例朝覲喀爾喀札薩克等旗內。如有事故不能來京。令協理旗務之台吉。

一人前來。若協理旗務之台吉亦有公事。及患病等情。即令本旗內大台吉代覲。仍將情由用印文送院查覈。如並無事故。託辭不朝者。事發將該管札薩克等一併題參治罪。○雍正三年議准青海王貝勒等照喀爾喀例分為四班輪流來朝。○四年定蒙古朝覲。喀爾喀及青海額魯特等均分為四班。一年一班輪流來朝。不直班之札薩克。令該旗協理旗務台吉四人前來。

○乾隆五年奏准在

御前

乾清門行走之喀爾喀汗王以下。台吉以上分為

兩班。一年一班來京朝覲。○十年議准。

乾清門行走之喀爾喀汗王等。內有兼札薩克旗務者不必入於兩班。即按其本班來朝到京時。仍令在

御前

乾清門行走。四十一年議准杜爾伯特等分為五班。一年一班輪流來京。○四十五年奉

旨嗣後土爾扈特和碩特之台吉等。有已經來朝過者。俟十年後再令按班來朝。○五十三年議准伊犁所

屬之土爾扈特科布多所屬之杜爾伯特已出  
痘者分為四班一年一班來京朝覲○嘉慶二  
年奏准前因喀爾喀汗王等在

御前

乾清門行走者漸次出缺人數無幾暫將閒散行  
走之員歸入年班來京朝覲現在

御前

乾清門行走之喀爾喀王貝勒等有十三人除圖  
什業圖汗札薩克圖汗二人每年一人赴熱河  
朝覲外所餘十一人仍照舊例分為兩班一年

一班輪流來朝。○十八年

諭外札薩克蒙古王公台吉等業經出痘者均於年班來京其未經出痘者止於熱河瞻覲伊等游牧較遠此內年老者來京當差步行差使較多恐伊等不能耐勞著加恩嗣後年逾六十五歲之外札薩克蒙古王公台吉等如遇年班毋庸來京均赴熱河以節其勞著理藩院將如何輪班之處定議具奏欽此遵旨議奏喀爾喀圖什業圖汗車登多爾濟現年已逾六十歲下屆年班應免來京即令前赴熱河瞻覲其餘外札薩克四部落土爾扈特和碩特杜

爾伯特青海蒙古汗王公台吉內年逾六十五歲者通行查明遵

旨免其來京。均令輪赴熱河隨同喀爾喀四部落兩翼。

派定善獵之王公台吉等進哨當差永為定例。

○二十二年定附隸察哈爾之額魯特綽羅斯。

土爾扈特和碩特公台吉等年班定為四班由

該都統按班咨送來京其圍班與年班同○又

定察哈爾

乾清門行走侍衛等定為五班由該都統按班咨

送來京其圍班與年班同○又定伊犁所屬之

土爾扈特和碩特科布多所屬之土爾扈特杜爾伯特和碩特汗王等年班各定為四班。閒年一班輪替前來。○又定喀爾喀閒散額駙人數無多。母庸另設一班入於喀爾喀王公等年班內輪班來京。○道光十九年定四部落王公台吉等年班定為六班。由院按班具題指名咨調來京朝覲。○又定喀爾喀等旗之公主子孫距京較遠。母庸另立班次。○又定青海王公台吉等年班。由院按班具題指名咨調來京朝覲。喇嘛年班○內札薩克四十九旗歸化城察哈

爾阿拉善喀爾喀及庫倫錫呼圖庫倫各處大  
喇嘛除哲布尊丹巴呼圖克圖不列年班外其  
餘分編為六班以喀爾喀那嚕班禪呼圖克圖  
一人阿拉善達克布呼圖克圖一人科爾沁諾  
顏呼圖克圖一人土默特邁達爾呼圖克圖一  
人浩齊特畢里克圖諾們罕一人阿巴哈納爾  
班第達喇嘛一人鄂爾多斯那旺端多布呼圖  
克圖一人歸化城額爾德尼達彥齊呼圖克圖  
一人彥察爾齊喇嘛一人烏喇特羅布藏達木  
巴喇布齊喇嘛一人喀爾喀墨爾根班第達呼

圖克圖一人為第一班以察哈爾額爾德尼諾  
木齊羅本綽爾濟大喇嘛一人喀爾喀額爾德  
尼伊拉古克散喇嘛一人土默特喇克巴鄂雜  
爾大喇嘛一人阿巴哈納爾喇木札木巴錫喇  
布札木蘇喇嘛一人烏喇特巴爾多爾濟喇嘛  
一人歸化城垂斯哈布達彥齊呼圖克圖一人  
吹齊托音呼圖克圖一人察哈爾葉固則爾呼  
圖克圖一人阿拉善托布桑喇嘛一人烏珠穆  
沁羅布藏多布丹喇嘛一人為第二班以察哈  
爾岱青綽爾濟羅布藏丹達爾喇嘛一人喀爾

喀西瓦錫勒圖呼圖克圖一人庫倫章楚布多爾濟喇嘛一人郭爾羅斯沙布龍雲端札木蘇喇嘛一人烏珠穆沁固沙哩綽爾濟那旺索特巴喇嘛一人阿巴哈納爾固錫羅布藏垂珠爾喇嘛一人烏喇特東廓爾班第達喇嘛一人歸化城甯甯呼圖克圖一人那旺達木巴大喇嘛一人察哈爾固什敏珠爾綽爾濟喇嘛一人為第三班以喀爾喀青蘇珠克圖諾們罕一人羅布藏札木禪諾們罕一人土默特阿裕什墨爾根綽爾濟喇嘛一人蘇尼特羅布藏喇嘛什大喇

嘛一人烏珠穆沁阿旺羅布藏彭楚克喇嘛一人  
人阿巴哈納爾瑪儂寺羅布藏尼瑪喇嘛一人  
烏喇特喇木札木巴格圖彭楚克喇嘛一人歸  
化城錫勒圖呼圖克圖一人達彥齊呼圖克圖  
一人察哈爾喇木札木巴羅布藏丹木巴喇嘛  
一人為第四班以喀爾喀額爾德尼班第達呼  
圖克圖一人札雅班第達呼圖克圖一人土默  
特蘇蘇克圖綽爾濟阿旺錫喇布喇嘛一人烏  
珠穆沁莫羅木喇木札木巴羅布桑里瓦喇嘛  
一人阿巴哈納爾拜札奢布東喇嘛一人錫埒

圖庫倫薩木魯阿旺札木揚呼圖克圖一人烏  
喇特固什羅布藏達木闢勒喇嘛一人歸化城  
達爾漢綽爾濟呼圖克圖一人察漢第彥齊呼  
圖克圖一人察哈爾達賚呼圖克圖一人為第  
五班以土默特察漢第彥齊呼圖克圖一人蘇  
尼特幹珠爾巴額爾德尼堪布喇嘛一人烏珠  
穆沁莫羅木喇木札木巴袞楚克喇什喇嘛一  
人阿巴哈納爾德尼墨爾根喇嘛一人烏喇特  
墨爾根第彥齊喇嘛一人歸化城札彥班第達  
呼圖克圖一人鄂木布札木散大喇嘛一人察

哈爾額木齊達爾漢綽爾濟喇嘛一人固什札  
木張雍嚕依喇嘛一人為第六班每年各以一  
班來京。岷州二十六寺除荔川寺工布寺喇嘛  
不入班外其餘分為四班以圓覺寺大崇教寺  
剎藏寺宏教寺洪福寺講堂寺喇嘛為第一班  
以法藏寺朝定寺三竹寺藏經寺裕童寺石崖  
寺喇嘛為第二班以魯班寺永安寺廣德寺昭  
慈寺洪濟寺廣善寺羊園寺喇嘛為第三班以  
崇隆寺永甯寺寫兒朵寺讚林寺寶淨寺喇嘛  
為第四班。間三年以一班來京莊浪紅山堡報

恩寺喇嘛間五年來京一次。○嘉慶二十二年定內外札薩克等處呼圖克圖呼畢勒罕綽爾濟喇嘛達喇嘛等年已及歲已出痘者准其來京朝覲經卷熟習者准其編入洞禮經其洞禮經班定為六班按年輪流於十一月中旬來京如輪直本班有患病等故者報明該盟長查實報院准其次年補班○又定年班來京之呼圖克圖喇嘛等事畢各歸游牧該札薩克等將何日回抵游牧處所具文報院○咸豐三年諭本年內外札薩克年班均著暫行停止一年其回子

伯克後藏堪布。如已啟程。即著折回。毋庸來京。○四

年

諭。本年輪應年班之呼圖克圖喇嘛等。俱著停班一年。